

Ladinstyle: moda e identità

L Museo Ladin de Fascia fèsc rebasc su la vestimenta e la massaries firmèda Ladinstyle

Moda - Ladinstyle, la linia de vestimenta e massaries de moda originèla e esclusiva creèda da Alessandro Anesi del 2005, l'é demò una de la sacotanta esprescions de la creatività de la jent ladina, sessaben leèda a sia reijes, ma semper averta a la descorida del nef. Duta la linia, caraterisèda da la scritta "Ladins" e da la bandiera ladina dai trei colores realisèda a stampa, con aplicacions de strass o recamèda, moscia la volontà de sie creator de leèr tradizion e inovazion e de palesèr na vida neva per stèr al pas coi tempes, senza desmentièr sia origines e sia partegnuda al mond ladin.

Jà da enlouta, l'Istitut Cultural Ladin l'é stat a una con chesta idea

e l'é doventà partner ofizial del projet, metan a jir belapontin, tel museumshop, n setor olache vegn venù en via esclusiva i desvalives articoi de la linia, apede a publicacions, materièl audiovisif, stampes, gadgets e ogec d'èrt.

Dachelanvia e demò dal 1 de firé ai 15 de mèrz l museo met a jir na vendita promozionèla con rebasc che pel ruèr ence al 40% sun duc i articoi de vestimenta e massaries de moda, spetan la neva colezion. Podarede troèr T-shirts, polo, felpes e autra massaries de moda desche bolghes e capes a priesc dalbon spezièi.

L Museo Ladin de Fascia é avert dal mèrtesc a la sabeda da les 15.00 a les 19.00.



La vestimenta Ladinstyle.